


CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
MAY 7 1940

T 3200/0823.83 14 2

2







廣德州志

哈佛大學漢和  
圖書館珍藏印

圖


古者記地必繫以圖故曰圖記曰圖經亦曰圖志隋以  
來如周地圖記冀齊幽等州圖經區宇圖志元和郡縣  
圖志皇祐方域圖記武陵圖經廣西郡邑圖志是也今  
志首以圖州與屬縣合如聚米分如布碁所謂宮宅地  
形可一覽知也其景大者在一州小者在一山而山川  
城郭又今昔稍殊故爲州屬總圖一分圖四解宇學宮  
書院圖各一廟圖四景圖十舊圖十共圖三十有二







州四境圖





州城圖



北

東

南

廣德小志

卷首



圖

月

三



州署圖



五柳居

塘

祠地土

園地

井

地土祠

塘

德輝亭

署目吏

門獄



牆

廣德小記

卷首


四







書院圖



空地

明善堂

房 厨

文昌祠

丹柱臺

儀門




愛蓮池

大門


塘

學









玉溪橋

大殿

鼓吹臺

街步郎






園地

社學基

房民



照

宮

殿

臺

牆




殿王十

曹家街

房民








橫山遠眺 小橫山



濯纓橋



北平胡志潛寫




大山洞

洞口

二儀攸分

西洞



大洞幽深

東洞

寶相庵

古柏





義蒼奇絕


玉女峯

義蒼山

陸仙臺

雲樓岩

洗藥澗





煉丹崖




蟬蛻關

石封趙桐源寫




















山竹



釣磯石



五老摩空









靈山真境



大山





建平縣城圖

廣德小志

卷首

文昌閣

八蜡廟

三清殿

崇法寺

開法寺

土穀祠

察院

五顯廟

城隍廟

城守營

明倫堂

文昌祠

清溪渡

泮池

學宮

忠義祠

學署

書院

觀瀾亭

建平縣署

豫備倉

鳳凰臺

三官堂

關帝廟

白鶴觀

準堤廟

大方伯坊

迴蘭亭

汪家渡

廣德小志

卷首

圖

三





建平縣四境圖

廣德小志

卷首



廣德小志

卷首


圖

三







萬曆志州四境圖





萬曆志學宮圖





北

顧置舖

陽春舖

謝家舖

邵家舖

建平縣

厲壇

察院

儒學

大鐘橋

浮塘舖

飛鯉橋

濤城舖

長樂舖

錢橋

白茅舖

浮塘湖

新橋

山橋

阮橋

通津橋

哨澗橋

廣寧舖

朱家橋

諸塘舖

山川壇

六龜橋

縣前舖


公館

十字舖

陳村巡檢司

三峽橋

胡家橋






李志州屬圖





南荷湖













李志州署圖



箭樓



范公亭

州治



一梅亭




永寧庫

皂房

快班房

壯班房




平常倉

預備倉




馬房




東班房

六房




西班房


六房



義門




土地祠




寅賓館



獄





糧廳



捕廳




李志儒學圖





北




西

東

學







廣德州志卷一

哈佛大學漢和圖書館珍藏印

地域志

建置沿革  
山川名蹟

沿革表

星野

形勝

疆界

周禮大司徒以天下之地圖周知天下之地域又曰凡建邦國以土圭土其地而制其域必言域者區分之使無混淆限斷之使無侵軼郡縣之與封建無異理也域定則雖境有析并名有變更而其山川城郭鄉里疆畛可指掌得矣故鄣舊隸丹陽自孫吳割屬吳興而秦鄣郡治長為廣德道路既分度屬江南其地與浙壤接孝豐長興如牙之錯銀林鐵冶固吾疆圉白石昂其前桐



水貫其中碕湖瀦其後洵東南之雄郡也

建置沿革

廣德由縣而軍而路而府而州其名由桐汭而故鄣而廣德而石封綏安桐陳懷德廣興廣陽其所轄州郡由揚而南徐江南由鄣而丹陽而宣城廣梁陳畱桃宣江寧又故鄣由丹陽而入吳興綏安由義興而歸宣城安吉原鄉則分於漢復合於隋稱號既屬殷繁并析尤多糾擾萬厯志所載沿革多誤後人一再增修因襲不改惟乾隆元年重修江南通志考據精

核圖說及表敘列釐然允堪傳信謹首錄之惟是省州異例省不嫌畧州不厭詳故復徵引史傳斷代分疏仍立表以便省覽其舊志失實者亦爲隨條刊正俾不泥於先入繁而不殺非得已也

江南通志廣德州禹貢揚州之域春秋時吳桐汭地戰國屬越後屬楚秦屬鄣郡漢置故鄣縣屬丹陽郡三國吳析置廣德縣屬宣城郡晉因之宋又析置綏安縣梁改爲石封縣置大梁郡尋改曰陳畱郡隋開皇初郡廢仍改石封爲綏安以故鄣廣德二縣省入屬湖州大業初



改屬宣城郡唐武德初置桃州後廢至德初改綏安縣  
 為廣德仍屬宣城郡五代南唐改屬昇州宋太平興國  
 中復屬宣州尋建廣德軍隸江南道東路端拱初置建  
 平縣為屬元至元中升廣德路隸江南道明初為廣德  
 府改廣德縣曰廣陽洪武四年為廣德州直隸南京十  
 三年以州治之廣陽縣省入領縣一  
 國朝因之隸江南布政使司康熙六年隸江南安徽布政  
 使司領縣一

廣德自虞置十二牧以及周職方所掌皆揚州之域故要

服也春秋時吳桐汭在其地後越滅吳屬越戰國楚滅  
 越復屬楚

左傳哀公十五年夏楚子西子期伐吳及桐汭杜預注

宣城廣德縣西南有桐水出白石山李吉甫元和郡縣

圖志云桐汭水在廣德縣西五十里詳見山川元混一方輿

勝覽云郡名桐川廣德縣有桐水故名聞人詮南畿志

引桐汭志云古郡名曰桐川曰桐汭江南通志云唐置

桐陳縣亦取此為名案桐汭由來已遠其命名不可得

知萬厯志云楚伐吳見桐花隨溪流下故名楊志因之



作桐水記遂云桐花浮波入城爰有桐汭之號鑿矣史記揚州三代要服見武帝封廣陵王策楊門二志云廣德於古為荒服此據晉志也晉

書地理志云揚州禹貢淮海之地舜置十二牧其一也周禮東南曰揚州戰國時地為楚分秦并天下置鄣會稽九江三郡

秦置鄣郡

史記秦紀始皇二十五年王翦定荆江南地二十六年分天下以為三十六郡裴駟注鄣郡第七張守節正義湖州長興縣西南一百八十里鄣郡故城是也見史貨殖傳注

胡三省通鑑注漢故鄣縣本秦鄣郡所治故曰故鄣今

廣德軍是故鄣縣之地宋志云丹陽尹秦鄣郡治今吳興之故鄣縣案秦治故鄣不在

今吳興案鄭元慶石柱記箋釋引吳興記云秦置故鄣

縣隸鄣郡然則故鄣為秦舊縣矣宋志作漢舊縣史無明文附

見於此

漢故鄣縣初屬荆國改屬吳國又改屬江都國後隸揚州

丹陽郡宋景定志丹陽辨戚氏曰丹陽史記作陽從阜漢志書郡從木書縣從阜東漢吳齊三志唐通

典並從阜晉宋唐三志並從木自餘或從阜或從木今從史記從阜為定也見南畿志今漢志從手尤非

漢書地理志丹陽郡注云故鄣郡所治屬江都武帝元



封二年更名丹陽屬揚州統縣十七故鄣第注云莽曰

侯聖顏師古注鄣音章舊州志云高祖四年封英布為

淮南王屬淮南國萬歷志七年置故鄣縣屬丹陽郡李

案漢書東帶江湖薄會稽為荆吳北界淮瀕畧廬衡為

淮南諸侯王表又云今之會稽丹陽盡吳分也地理志詳考史

記荆世家及諸侯年表高祖六年劉賈為荆王王淮東

五十三城都吳十一年為英布所殺國除為郡十二年

更為吳國封劉濞為吳王景帝前元三年濞誅四年初

置江都立易王非為王漢書高紀六年春以故東陽郡

鄣郡吳郡五十三縣立劉賈為荆王注文頴曰東陽今

下邳鄣郡今丹陽吳郡今會稽也韋昭曰鄣郡今故鄣

縣也後郡徙丹陽轉以為縣故謂之故鄣也吳江都二

國所有皆荆故地史劉濞傳王故荆地三郡五十三城

所居者晉志江都王并得故則前後鄣郡所屬較然明

矣淮南本名九江英布所封都壽春後分置豫章郡布

誅立王子長為王史記淮南厲王王故黥布地凡四郡

注徐廣曰九江廬江衡山豫章也初無鄣郡安得云屬

淮南王國乎蓋漢元封以前州刺史不常置郡受治於



王國固不得畧尤不得混門志謂屬荆吳江都三國極有依據李志謂漢書及省志俱屬淮南輒為刪改謬矣故鄣之立據韋注當在元封改郡後亦非高祖七年鄣亦作章古字通漢書劉濞傳吳有豫章郡銅山章昭曰此有豫字誤也但當言章郡今故章也

後景帝削吳豫章會稽郡亦衍

豫字史記濞傳同

地理志吳東有海鹽章山之銅蓋即章郡之

山章說得之

後漢故鄣城隸揚州丹陽郡

續漢書郡國志揚州刺史部丹陽郡十六城故鄣

第四劉

昭補注云秦鄣郡所治吳興記曰中平年分縣南置安

吉縣光和末張角亂此鄉守險助國漢嘉之故立縣中

平二年又分立原鄉縣酈道元水經注云中平二年改

故鄣之南鄉以為安吉縣元和郡縣圖志廣德縣後漢

分故鄣縣置桐川志名勝志皆以為後漢中平中置通

志則云後漢書中平無分立廣德之文當從宋志作吳

立案東漢分置之說大率因安吉原鄉例推之耳尚非

無因萬歷志直云光武中平二年分置廣德縣則大可

怪矣

楊志同

門李二志已悟其失去光武二字而職官門



光武置廣德令云云終不能改於是吳之張純為東漢之張純首列之宦績不知光武有元平無中平中平乃靈帝年號也

**案**南畿志云漢故鄣地鴻嘉初封中山靖王後為廣德國東漢分置廣德縣名勝志云成帝

時封雲客於廣德明一統志通志引之舊志同李志雲客訛雲克此說非也廣

德王所封地在今徽州府黟縣漢地理志丹陽郡黟縣

第十四師古曰黟音伊字本作黟音同注云成帝鴻嘉二年為廣德王國

莽曰愬虜是也南畿志黟縣古蹟亦載之時黟雖與故鄣同郡而相

距五百餘里馬牛不及安得以名字偶同強為牽合其

誤蓋始於水經注彼謂游江北歷黟山縣居山之陽故

縣氏之漢成帝鴻嘉二年以為廣德王國封孫雲客為

王於此晉太康中以為廣德縣分隸丹陽郡見漸江道水條下

元燕人未涉南土間有傳訛但即年代論之雲客為中

山靖王勝五世孫旁宗承統時中山國絕已五十三歲

矣雲客無子國又絕十三歲哀帝續封其弟廣漢為廣

平王亦無後平帝復立廣川惠王曾孫倫李志誤作輸為廣

德王奉靖王後王莽時絕見景十三王傳諸侯王表互詳封爵此皆史所

謂親屬疎遠不為士民所尊者廣平廣德虛假美名而



已焉有絕於新室懸隔二百餘年至晉初尚遠襲其舊  
名者况廣德縣見於吳志不始於晉寧國府志辨中平

分置為誤是也謂晉太康二年黜自建安十三年孫權分屬新都郡見吳志

立近是亦誤

晉初廣德又屬宣城郡道元所云分隸又誤也或謂廣  
德之名實始鴻嘉李志及寧國府志並云亦意揣之詞古今地名

同者多矣前漢地志沛郡建平侯國後漢沛國建平縣

建安間孫權又分上饒為建平縣豈得謂今之建平始

於漢乎

三國吳廣德縣隸揚州丹陽郡

吳志呂蒙傳從孫權討丹陽有功拜平北將軍領廣德

長案廣德縣長始見於此故宋志以為是吳所立今考

孫權傳建安八年使韓當周泰呂蒙等為劇縣令長當

安長泰知蒙受任即在是年春穀長妃嬪傳徐琨以督軍中郎

將從破廬江太守李術封廣德侯互詳職官宦績事在建安五

年見孫權傳注知立縣又在其前太史慈傳策已平定宣城

以東惟涇以西六縣未服周泰傳策討六縣山賊孫輔

數此在建安二年曰宣城以東則廣德在其中矣蓋自

揚州刺史劉繇遁逃諸郡守委城奔走之後凡諸葛恪



所稱外縣平民者早為孫氏所有分土建邑當在斯時  
 篤而論之則漢末也故鄣在漢境宇遼遠故中平後遞  
 析為四而廣德尚稱劇縣故鄣亦號深險然漢故鄣與  
 吳故鄣已截然兩縣如吳朱治丹陽故鄣人傳言初為  
 縣吏中平五年拜司馬似尚為漢之故鄣後於黃武二  
 年封故鄣侯治自表屯故鄣鎮撫山越年餘卒又孫權  
 傳嘉禾十三年八月丹陽句容及故鄣寧國諸山崩又  
 廢太子和處故鄣此則為吳故鄣非今之廣德明矣談  
吳興志朱治墓在歸安縣南十二里但其時故鄣尚與廣德同郡或難區

別至孫皓寶鼎元年分故鄣屬吳興郡

分吳郡陽羨永安餘杭臨水四

縣丹陽郡故鄣安吉原鄉於潛烏程五縣立吳興郡治烏程見皓傳及注

其地在今湖州府

徐獻忠吳興掌故集云故鄣今安吉孝豐地是也

又云故鄣

今長興以南安吉以西地也原鄉在安吉之南今孝豐也唐高宗麟德元年并原鄉入安吉孝豐縣志云宏治元年分安吉縣之九鄉設孝豐縣

郡更非廣德所得而借南畿志舊志以朱治入人物已

屬通借至以宋裴松之齊邱寂之入職官互詳則失考

甚矣

晉廣德縣隸揚州宣城郡



晉書地理志揚州宣城郡太康二年置統縣十一廣德第九又曰晉平吳分丹陽之宣城宛陵陵陽安吳涇廣德寧國懷安石城臨城春穀十一縣立宣城郡理宛陵萬曆志云晉太康二年為廣德縣時徙丹陽郡治於建業與宛陵郡同隸揚州楊李等志因之皆失之不考

宋廣德縣隸揚州宣城郡武帝分置綏安縣隸南徐州義興郡尋省

宋書州郡志揚州刺史宣城太守領縣十廣德令第二何志云漢舊縣二漢志並無疑是吳所立又南徐州刺史

義興太守領縣五綏安令第五武帝永初二年分宣城之

廣德吳興之故鄣長城及陽羨義鄉五縣立孔顛傳有

綏安令巢邃附詳職官宗越傳太宗封武念為綏安縣侯泰

始四年綏安縣省改封邵陵侯案析置之縣疆畛既分

彼詳則此宜畧漢之安吉原鄉即其例也綏安為隋唐

名縣之始故特著之且義興本隸揚州明帝太始四年

割度南徐而綏安之省亦即在是年其省還本縣與否

志雖不詳要於廣德所分止五之一耳元和郡縣志云

廣德縣後漢分故鄣縣置宋為綏安縣仁壽三年屬湖



州宋下疑有脫文否則隋字之訛舊志據之遂云宋以廣德吳興宜興地置為綏安縣是有綏安無廣德矣

齊廣德縣隸南豫州宣城郡又分置石封縣一云梁置

南齊書州郡志南豫州刺史宣城郡領縣十一廣德第一

案南豫始晉自宋永初後廢置不常世祖永明二年割

揚州宣城等六縣復置而廣德實為宣城首邑南齊志

於南徐州義興郡注云永明二年割屬揚州後復舊所

領五縣綏安居殿與宋志同又不詳何時復置殆所謂

史闕不注者歟萬厯等志並云齊分綏安縣為石封縣

屬宣城郡考梁書韋叡蕭靈鈞皆為齊廣德令而叡任

在宋順帝昇明元年平沈攸之後則齊初尚未分也互詳

職官

梁廣德縣隸南豫州廣梁郡

敬帝太平元年舊志俱依隋志作大梁今改正一云

分置石封縣

梁陳二書無志地理難稽五代史志

即今隋書十志謂梁大同

年州一百七郡縣稱此臺城陷沒注記無遺郡縣戶口

不能詳究故於綏安但注舊曰石封改名焉梁末立大

梁郡又改為陳留而已今考陳書大梁本名廣梁史因



避隋煬帝諱而改宗室陳詳傳高祖東征杜龕詳躬下

安吉原鄉故鄣三縣龕平資割故鄣廣德置廣梁郡以

詳為太守高祖踐祚改廣梁為陳畱又以為陳畱太守

陳擬傳詔曰廣梁太守梁書敬帝紀紹泰元年正月震

州刺史杜龕是年改吳興郡為震州見元和志舉兵攻陳蒨於長城太

平元年正月龕降二年九月禪於陳此則太平元年廣

德隸廣梁之明據也知為南豫州者龕時為震州刺史

吳興太守遷南豫州刺史都督南豫州軍事見南史梁書杜龕傳

廣德乃其所部故詳以平龕功割置郡以酬之也互詳表

其未資割以前當亦如齊屬宣城郡而史無正文互詳陳

南畿志梁分置石封縣明一統志舊州志皆因之通志

云綏安本宋置蓋梁改綏安為石封隋復改石封為綏

安也但隋經籍志雜家有梁綏安令徐僧權等華林遍

略六百二十卷則梁時綏安未嘗改石封也詳考隋志

地理所注郡縣置立北朝起後魏南朝起梁所稱舊曰

類非近代之名即宣城郡言之宣城舊曰宛陵秋浦舊

曰石城皆前漢舊名也石封既不見宋齊志而隋志獨

以為綏安之舊名必非無據恐是泰始四年省後復置



會別立此名而後仍還其故歟則舊志所云齊分爲石封似爲近之兩存其說闕疑之意也

陳廣德縣隸南豫州陳畱郡

陳書高祖紀永定二年八月丙寅以廣梁郡爲陳畱郡

南史無此文其太守陳詳之外世祖時有張遂以討陳寶應

戰死見周迪等傳詳職官又高祖紀載梁敬帝太平二年九月以

南豫州之陳畱南丹陽宣城揚州之吳興東陽等十郡

策封爲陳公是時陳畱尚名廣梁史追書之乃其隸南

豫則終梁陳之世無改可知隋世廣德以避諱改大德

志言省入綏安則領於陳畱亦可知

隋綏安縣隸揚州宣城郡

隋書地理志揚州宣城郡注云舊置南豫州平陳改爲

宣州統縣六綏安第六注舊曰石封改名焉梁末立大梁

郡又改爲陳畱郡平陳郡廢省大德故鄣安吉原鄉四

縣入焉孝豐縣志謂在文帝開皇九年元和郡縣志綏安縣仁壽三年

屬湖州大業二年移於今理屬宣州至德二年改名廣

德案今理卽今州治故云西至宣州一百六十五里宣

州今寧國府其道里正同也蓋隋初并省之後廣德已



為廢縣至是徙還故治肅宗時遂追復舊名也吉甫以唐人志唐地不應有誤然隋志作於貞觀間去仁壽更近其屬湖州既不注綏安下吳郡烏程亦但云舊置吳興郡平陳郡廢并東遷縣入焉仁壽中置湖州大業初州廢無綏安來屬之文似尤得實也南畿志亦云屬湖州楊門李志並云文帝以江左僑郡煩劇廢郡為州改陳留為綏安縣屬湖州則是改郡為縣矣隋志云開皇三年廢諸郡洎定江表以戶口滋生析置州縣煬帝省諸州尋改州為郡不聞以郡為縣也通志謂隋以廣德為大德當

從大業初改考煬帝為太子在開皇二十年明年改元仁壽凡郡縣帶廣字者皆改避其名不待即位也

唐綏安縣復改廣德縣隸江南西道宣州

元和郡縣圖志江南西道宣州管縣十廣德縣第八餘已

見前舊唐書地理志宣州隋宣城郡武德三年置宣州七

年廢桃州以綏安來屬天寶元年改宣城郡至德二年

又析置廣德縣乾元元年復為宣州舊領縣八天寶領

九今領十三廣德第三漢故鄣縣宋分置綏安縣至德二

年九月改為廣德以縣界廣德故城為名互詳新唐書



地理志宣州宣城郡縣八廣德

第四唐縣有京畿赤望

本綏安武德三年以縣置桃州並置桐陳

萬曆等志懷

德二縣七年州廢省桐陳懷德以綏安來屬至德二載

更名

寧國府志二作三又云仍隸宣城並誤然五代時吳南唐宣州仍別有綏安縣見十國春秋地理表

五代吳廣德縣隸宣州

五代南唐廣德縣隸昇州

後稱西都江寧府

五代史職方考宣昇二州屬吳南唐通志引輿地記云

廣德縣吳屬金陵府南唐屬江寧府案馬令南唐書楊

溥天祚三年十月先主受吳禪改元昇元以建康為西

都戚光音釋昇州都金陵府以宣之當塗廣德并置蕪

湖銅陵繁昌來屬及當塗為雄遠軍復以池之青陽來

屬與舊領上元江寧句容溧水溧陽為十縣也吳任臣

十國春秋吳世家楊溥武義二年秋改昇州大都督府

為金陵府天祚二年以金陵為西都三年徐知誥改金

陵為江寧府地理表宣州注云吳仍唐舊南唐分當塗

廣德入江寧府又西都江寧府注云昇州大都督府吳

武義二年七月改為金陵府南唐改江寧府建西都領

縣十廣德

第六

注云舊屬宣州南唐來屬則楊吳時尚屬



宣州未嘗屬金陵也萬曆寧國府志南唐先主昇元元年以寧國軍之當塗廣德隸江寧府南畿志一統志並云南唐改為廣德制置司屬昇州門李志遂云五代俱屬南唐誤當依楊志梁唐俱屬吳晉天德四年屬南唐為是制置司詳職官時宣州置寧國軍十國春秋吳太祖世家大順元年三月唐賜宣歙軍號寧國以楊行密為節度使南畿志作唐昭宗景福元年

宋廣德軍領廣德建平二縣隸江南東路

建炎四年隸建康府路紹興初

仍隸東路

宋史地理志江南東路廣德軍同下州太平興國四年以宣州廣德縣為軍縣二廣德望開寶末自江寧府隸宣州建平望端拱元年以郎步鎮為縣來隸南畿志云南宋仍舊案軍監之名昉於唐軍以領兵監以牧馬五代史職官考云今置軍者徒以虛名升建為州府之重是也郎步鎮者通志引桐川志云縣前有郎水以居民郎姓故名

元廣德路領廣德建平二縣隸江浙行省

元史地理志江浙行中書省江南諸道行御史臺廣德



路下唐初以綏安縣置桃州後廢州改綏安爲廣德縣  
宋爲廣德軍至元十四年升爲路領司一縣二錄事司  
廣德中倚郭建平中寧國府志云江東建康道肅政廉  
訪司領建康寧國廣德等路明史地理志元廣德路屬  
江浙行省案萬厯志云至正十五年衆立元達爲萬  
戶守路後張士誠據吳廣德屬焉考明史張士誠傳元  
至正十五年遣弟士德由通州渡江入常熟此渡江之  
始也十六年二月陷平江并陷湖州松江常州諸路改  
平江爲隆平府據之不言廣德又明太祖實錄及平吳

錄載是年四月壬子士誠將趙打虎陷湖州有烏程歸  
安德清武康四縣十七年二月丙午朔太祖遣耿炳文  
劉成自廣德取長興九月丙戌廣興翼元帥費子賢率  
兵取武康十八年元帥費子賢總管張德攻下安吉各  
築城守之然則是時士誠所有凡與廣德接境之安吉  
武康長興宜興皆嘗屬之獨不能有廣德寸土也卽陶  
宗儀輟耕錄稱有花鎗軍出沒廣德與士誠互有勝負  
亦未嘗言廣德屬士誠也又元史順帝紀至正十五年  
六月大明皇帝自和州渡江取太平路十六年三月庚



寅明兵取集慶路又取鎮江路六月乙丑明兵取廣德路明史太祖紀是年三月太祖改集慶路為應天府六月鄧愈克廣德自是之後徐達克常州徇宜興攻常熟擒士德耿炳文費子賢等分守諸縣至二十三五等年士誠所據南至紹興北有通泰高郵淮安濠泗汝潁又北至濟寧之金溝東薄海計二千餘里太祖紀上誠傳並載而廣德終不為所有何云屬乎

明廣興府領廣陽建平二縣尋改廣德府又改廣德州領建平縣直隸南京

明史地理志南京廣德州太祖丙申年六月日廣興府

洪武四年九月日廣德州十三年四月以州治廣德縣

省入直隸京師領縣一建平南畿志明改廣德府以廣

德縣為廣陽縣洪武四年改直隸州以廣陽建平屬之

十三年省廣陽入州

明以十三府四州為畿甸直隸京師四州首廣德

案太祖

紀云元至正十六年六月鄧愈克廣德即丙申年也其

後二十七年洪武元二五等年免田租俱稱廣德未嘗

云廣興也南畿志載洪武五年十月免租詔曰應天太

平鎮江寧國廣德五府又云近京五府之民

詳綱恤

則改



州當在五年之後舊州志俱云洪武四年以糧不滿萬改府為州而縣名廣陽與南畿同未知何者為是考明太祖實錄及平吳錄至正十七年有廣興翼元帥費子賢前見明史費子賢傳作廣德翼元帥而鄧愈傳自作廣興翼元帥則知龍興之始新隸版圖升府更名史志確有所據特不久復舊故記傳詔文皆追改之耳但縣省入州之時志又不言廣陽何也今府名從史縣名從志庶兩得之

國朝廣德州領建平縣隸江南省後隸安徽省

江南通志順治二年改南直隸為江南置承宣布政使

司康熙六年分置安徽承宣布政使司廣德州直隸領

建平縣楊志曰明制直隸州不屬府轄順治十六年巡

按衛元貞有州歸府轄之疏士民條其不便者六事司道

僉議仍舊操撫宜公永貴特具

題其略曰據士民呼籲僉稱戶口鹽法府食於淮州食於

浙舊制沿革各有攸司若一旦改州屬府勢必紛更即

此一端恐滋牽掣而所控六條皆可採聽且江南尚有

滁和等州素稱直隸均非府轄又不獨廣德一州為然



無事更張自應仍舊奉

旨俞允康熙六年知州楊苞申詳司院蒙批直隸三州從

無府轄之例止聽藩臬兩司注考永為成例

〔案〕此所謂府蓋指寧國故曰府食於淮也直隸州屬

州之名始見明史

國朝因之楊守申詳意當時尚有持前說者故復請批示

門李志意為刪削反欠分明今悉仍其舊惜所陳六

事不可得詳耳

沿革表

世次

州省轄

郡軍路府州

縣

周

揚州

敬王四十年

吳

桐汭

魯昭公十五年見史記表

〔左傳〕襄公三年衡山亦在今州治並詳山水

秦始皇二十五

監御史

掌監郡見漢官志

鄣郡

置守丞尉見漢官志

年

志

治所後名故鄣

漢

揚州

漢初丞相遣史分刺

鄣郡

守丞尉見漢官志後

故鄣縣

州不常置武帝元封五年始置



	部刺史周行郡國未有所治或改稱牧見漢官志宋地志後同	高祖六年	荆國治吳後同	十二年	吳國	景帝前元四年	江都國漢初王國郡亦受治焉景帝五年令不得治國元封後專以刺史治郡	武帝元封二年	丹陽郡治宛陵見漢地志後同
--	--------------------------	------	--------	-----	----	--------	--------------------------------	--------	--------------

後漢

獻帝建安年

三國吳

晉武帝太康二年

揚州刺史部治歷陽後治壽春漢末移治曲阿見吳志宋志地

丹陽郡

故鄣城

揚州南齊志置都督未見治所

丹陽郡治建業見吳志

廣德長嘉禾年升令

揚州刺史治建康見晉志

宣城郡治宛陵見晉志

廣德縣



宋

揚州刺史寄治京邑孝武大明三年罷州于湖見隸南臺八年復南齊志舊見宋志

宣城郡大明六年徙治廣德令

太宗泰始四南徐州治京口見南齊志義興郡

綏安令新唐地志長城縣武德四年置綏州因古綏安縣名之長城今長興也與廣德界接

齊世祖永明二南豫州晉宋置廢不常宣城郡

廣德縣

年 齊初省是年割揚州宣城淮南

石封縣通志云梁分置

等六郡復置刺史治歷陽見齊志後同

今廣德州有石封故縣

梁高祖普通七南豫州治合肥太清元年治壽春見梁高祖紀

年

廣梁郡

廣德縣

年

陳高祖永定二南豫州

陳留郡廣梁陳留二郡廣德縣

陳書但言割廣德故鄣置不知所治案輿地廣記輿地紀勝俱沿革表







年賜宣歙軍號  
以楊行密為節  
使度

南唐

西都昇州大都  
督府改建

西都見  
南唐書

江寧府門志保  
大年改

廣德制置司  
屬江寧府

廣德縣

宋

江南東路建康  
軍節

度使建炎元年  
為帥府屬建康  
路紹興初復  
舊見宋史志

太祖開寶八

年

宣州

廣德縣文獻通  
考南唐

宣州領縣六宋  
因之開寶末以

太宗太平興

國四年

端拱元年

廣德軍治廣德  
見文獻

通考

廣德軍

廣德縣望

廣德蕪湖繁昌  
來屬太平興國  
二年以蕪湖繁  
昌屬太平州

廣德縣望

建平縣望南畿  
志南唐

以當塗立建平  
軍後周改雄遠  
軍建平命名  
疑出於此

元世祖至元十  
江浙行中書省  
廣德路

下置總  
管府十

廣德縣中一萬  
戶以上



四年舊志作十二年史臺治揚州徙路又置錄事司縣  
 今從元史徙建康天歷三年一員掌戶民之事二千戶以上置之見元官志建平縣中

明太祖丙申年江南行中書省廣興府廣陽縣

治應天府洪武元年罷行省立南京直隸中書省見明志

洪武年

廣德州

廣陽縣

建平縣

十四年

直隸南京初稱京師

廣德州

建平縣

國朝

永樂元年仍稱南京見明志

世祖順治二年江南承宣布政廣德州

建平縣

使司駐江寧十年以左布政領之

聖祖康熙六年安徽承宣布政廣德州

建平縣

使司駐江寧乾隆二十五年移駐安慶

志地首重沿革沿革不明猶不志也舊乘相仍既多



訛漏正史所載亦俟參稽沈隱侯嘗言名號驟易境  
土屢分地理參差其詳難舉誠哉綜覈之難也茲以  
今治爲準望逆溯周秦以來旁考曲證務期土斷分  
明列表必詳隸治者維繫所存且州名直隸上有所  
統下有所領尤不容略按循世次綱舉目張庶覽者  
展卷卽得焉







